

¡BOMBA!

Contra el robo la contienda
¡vaya, qué resultados!
Mas con los datos cruzados...
¿qué tal vamos en vivienda?



K'untzil

Martes 28 de enero de 2025

CAMPECHE · YUCATÁN · QUINTANA ROO · AÑO 10 · NÚMERO 2406 · www.lajornadamaya.mx

K'aschaj k'áatchi' meyaj yóok'ol u tojbe'enil u tuukul máak, beyxan adicciones; yaan u ka' beeta'al: Ssa

Ángeles Cruz Martínez / p 24
Oochel Reuters

Tumen ma' patal bix úuchik u k'a'abéetkuns'al metodologíae, u xookil Encuesta Nacional de Salud Mental y Adicciones meyajta'ab ichil u winalil octubre ti' u ja'abil 2023 yéetel mayo ti' u ja'abil 2024e, ma' patali' ts'o'oke' yaan u yantal u ka' beeta'al. Beey úuchik u je'tsel tumen u meyajnáalil Salud, David Kershenobich, tu jo'olaj u k'am xaak'al le octubre máaniko', tu'ux tu yilaj le ba'ax k'uba'ab ti'o' ma' no'ojantako'ob keetel yéetel yáax

xaak'alo'ob meyajta'an mix xan yéetel jach bix yanik ba'al.

Meyaje' k'ubéenta'ab ti' mola'ay ts'o'ok u ch'éejsa'al, Consejo Nacional de Humanidades, Ciencias y Tecnologías (Conahcyt) ich múul meyaj tu beetaj yéetel Consejo Nacional de Salud Mental y Adicciones (Conasama). Táan ka'achuyila'alutúumbenkuns'al ba'ax ojéela'an yóok'olal u k'a'abéetkuns'al sustancias adictivas, beyxan bix yanik ba'al yéetel u tojbe'enil u tuukul máak ts'o'ok u chukik yéetel maanal 12

u ja'abil, ba'ale' yáax juntéen xan u taakbesa'al ka'ach wiinik 75 u ja'abil.

Beyxan, táan ka'ach u ch'a'ajolta'al tu jo'olaj xáanak ma' beeta'aki', tumen u ts'ook xookil beeta'ab tu lu'umil México yóok'olal le je'ela', meyajta'ab 2016-2017.

Ti' le ts'ook ja'abo'obo, ila'abe' yaan jejeláas ba'ax beetik u k'a'abéetkuns'al ba'alo'ob ma' unaj tu lu'umil Méxicoe, je'el bix u ya'abtal ba'ax ku naak' ti' wiinik, ts'o'oke' kéen úuchuk ba'al beyo' séeba'an u k'a'abéetkuns'al drogas.

Tulu'umil Méxicoe, ba'ax ojéela'an yóok'olal adicciones' ku jóoks'al ti' u xaak'al meyaj Centros de Integración Juvenil (CIJ), ti' máaxo'ob k'áatik áantaj tu kúuchilo'ob rehabilitación. Kéen oojko'obe, ku núuka'al jump'éel cuestionario, tu'ux ila'ane' leti'e' mariguanao' maas ya'ab u k'a'abéetkuns'alo'. Tu ja'abil 2015e, óoli' táan chúumuk máax k'aatchibta'abe' tu ya'alo'obe' kex juntéene' ba'ale' ts'o'ok u ts'u'uts'iko'obi'.